

欽定大清會典

一
函
九
冊
函

欽定大清會典卷八十七

內務府

總管無定員於滿洲文武大臣或王公內

簡用掌內府一切事務奉宸苑武備院上駟院並隸焉所

屬廣儲會計掌儀都虞慎刑營造慶豐七司

廣儲司管理六庫郎中二人郎中四人員外郎十有二人

主事一人司庫十有二人掌理內府庫藏筆帖式二十六人○管理江甯府蘇州府杭州府織造官各一

於內務府司官內
奏簡仍帶原銜

司庫各一人庫使各二人筆帖式各一人 會計司郎中三人員外郎六人主事一

人掌理內府帑項筆帖式二十六人○內管領三十人副內管領三十人筆帖式八人○管理三旗納銀

莊郎中一人員外郎六人主事一人筆帖式十有二人 掌儀司郎中二人員外郎八人主事一人掌內

府典禮司俎官五人贊禮郎十有七人筆帖式二十二人○尙膳正尙茶正一等侍衛各一人二等侍衛

各二人尙膳副尙茶副三等侍衛各一人尙膳三等侍衛六人尙茶三等侍衛三人尙膳藍翎侍衛七人

尙茶藍翎侍衛四人主事一人筆帖式十有三人○ 中正殿員外郎二人筆帖式三人○ 雍和宮郎

中員外郎各一人筆帖式三人○咸安宮官學筆帖式一人○南府景山筆帖式各二人○藥房主事一

人夫八流庫掌三人筆帖式十有五人 都虞司郎中二人員外郎五人主事一人掌府屬武職陞補及

內府護軍供應改漁筆帖式二十六人○掌 御舟筆帖式二人尙虞筆帖式一人鷹房鶻房筆帖式

各二人狗房筆帖式三人 慎刑司郎中二人員外郎四人主事一人掌內府刑罰筆帖式二十人 營

造司郎中二人員外郎八人主事一人掌理造作兼司薪炭筆帖式二十六人○官房租庫筆帖式七人

未入流庫掌一人○刊刻 御書處監造一人未入流庫掌三人署庫掌四人筆帖式一人 武英殿

修書處監造二人庫掌四人署庫掌五人筆帖式五人 養心殿造辦處郎中二人員外郎二人主事一

人庫掌六人筆帖式十有六人 慶豐司郎中二人員外郎十人主事一人掌牧館廐牛羊及口外牧場

學生蕃息筆帖式十有六人 堂郎中一人主事二人掌治堂事凡府屬之職升補武職隸都虞司及章奏文移

皆隸焉筆帖式三十八人○稽察內務府御史所屬筆帖式八人 凡升除郎中至八品苑副由府及該

處簡選引 見補授未入流司庫以下由府除授其升選調補均依成法 凡京察府屬官員每三年

由總管考察一次分別去留具題請 旨 凡遇三大節 太和殿 皇太后宮行禮均與百官

同 皇后宮行禮於內右門外 躬祀 壇廟 車駕出入於 午門外跪候迎送

駕經由務府內衙門總管率所屬官排班祇候 凡常朝內務府總管率所屬文武官於 右翼門外總

管於門階上各官以次列坐於階下以都虞司司官察班 凡直宿日以總管一人如因事不能入直以

郎中代恭遇 皇帝宿 齋宮 行幸駐蹕 皇太后 皇后在宮中奏留總管一人在京

如遇 皇帝進宮 皇太后 皇后在 圓明園奏留總管一人在園 凡恭遇 皇太

后 皇后 妃 嬪出入總管一人率內府護軍統領參領內府護軍豹尾班扈從如總管乏人行文

領侍衛內大臣以散秩大臣一人代 凡用 寶恭遇 行幸駐蹕總管一人同內閣學士於 乾清門

監視 凡輿制 皇太后 皇后輿重頂上層六方各面闊一尺四寸二層深四尺四寸闊三尺

六寸皆飾以金垂檐二層均黃綾銷金鳳覆以黃雲綺風衣上安鍍花金頂輿屋高四尺五寸深三尺五

寸闊二尺八寸幃用黃雲綺輪轆均繫以黃轆兩端輪銅轄均以鐵爲之鏤以金 皇貴妃輿鏤以金銀

餘同 貴妃輿安鍍花鏤金頂幃用金黃綺餘同 皇貴妃之制 妃輿用金黃綾銷金鳳覆以金黃雲

綺風衣鋒用金黃雲綺餘如 貴妃之制 嬪貴人輿頂深四尺四寸闊三尺六寸幃幃均用金黃雲綺

輪轆繫以黃金餘如 妃之制常在以下幃幃均用青雲綺銅頂輪轆繫以朱鏤以銀餘如 貴人之制

皇子福晉輿幃幃均用絳雲綺上安銀頂餘同前

廣儲司

凡府庫有六曰銀庫曰段庫曰衣庫曰茶庫曰皮庫曰瓷器庫各有專司物相類者則兼掌之總管率郎

中司庫等官慎出納時供奉每月終奏銷次年彙造黃冊具題閣五年奏 簡司官清釐庫藏 凡供

奉 皇太后 皇帝 皇后御用冠服 妃 嬪暨 皇子公主朝冠朝服皆依禮部定式敬謹

成造○歲進 皇太后宮金珠表裏 皇后 妃 嬪宮表裏均按數供奉○隨時應用器物皆

準宮殿監督領侍移文恭進○恭遇 車駕時巡齋金錢皮幣及應用器物以從 凡出納山西歲貢

潞絨由工部江南浙江貢茶由戶部光祿寺蒙古王公台吉外國君長番部喇嘛朝貢方物由禮部理藩

院均移送至府付各庫驗收捕牲烏喇貢珠索倫烏亮海貢貂會戶工二部區別等次 盛京甯古塔

貢人參甯古塔瓜爾察貢貂由府區別等次均具奏貯庫山海關外屯衛貢狼狐水獺等皮 盛京貢布

棉鹽靛張家口貢紅花三旗游牧處貢羊皮玉草即得勒蘇草均送庫驗收其支發庫物見有者不得逾六日

移取戶工二部者不得逾十日均準各處文移發給 凡遣官製造江南江甯蘇州二府浙江杭州府差

織造官各一人司庫各一人筆帖式各二人庫使各二人設機募匠分織龍衣采幣錦段紗細絹布棉中

及採買金絲織絨之屬歲由府擬定色樣及應用之數奏行織造 上用者陸運官用者水運各依限

輪庫驗收以數咨戶部奏銷○江西九江府長德鎮差官製造瓷器輪庫收貯歲終由府奏銷 凡供用

宮中祭 神 表完殿制廟並用金銀幣布及香紙之屬由銀庫段庫茶庫封開 御寶

需用鑪錐爵盆由銀庫瓷器庫年節張鐙 躬祀 壇 廟 堂子 駕前及各門

擊執引鐙由皮庫瓷器庫各 宮殿寺廟供花 御燕前所用采花由茶庫均準移交恭進 凡賞賚

王公大臣侍衛每歲冬至前應 賜朝冠朝服端罩 閣校大臣侍衛內府三旗所屬官兵騎射奉

旨賞鞍馬銀幣均由府具奏 頒賜 視學 幸魯禮成 賜衍聖公朝冠朝服恭纂

寶錄告成賞監修總裁纂修官表裏來朝之蒙古王公台吉進貢之朝鮮安南琉球西洋暹羅緬甸蘇祿

南掌諸國王西藏番部喇嘛及其使臣賞貂皮表裏瓷器直省舉報壽民壽婦年逾百歲者奉 旨加

賞銀幣均準禮部理藩院移文發給 凡官給衣物朝祭燕會豹尾班侍衛蟒袍 內朝筵燕及饗

先蠶執事命婦朝衣函簿內執兵仗馭馬親軍護軍冠服宿衛之侍衛至領催步軍冬夏波褥準領侍衛

內大臣鑾儀衛掌儀司移文按時給發會試舉子禦寒棉襪準禮部移文兵丁操演棉甲準八旗移文支

領均事畢還敝則補製 凡優卹內府三旗官兵婚喪給 恩賞銀年七十以上男婦給銀幣 宮殿

內監歲給衣服守護 陵寢內監尙茶尙膳婦女供奉 奉先殿廚役內管領下內外執事男

婦及匠作夫役之隸內府者歲給羊裘段布各有差 凡匠作七等銀作銅作皮作染作衣作繡作花作

各有定數皆以執藝之優劣定役食之多寡長以領催總以司匠闕則召募惰則革除

凡 皇莊各有等次 盛京莊八十有四一等莊三十五二等七三等八四等三十四山海關外莊二百
十有一一等莊六十六二等四三等二十四等百二十一喜峯口古北口外莊百三十八均一等歸化城
莊十有三捕牲烏喇莊五駐馬口外彌院山莊十有五均不分等次 畿輔莊三百二十有二一等莊五
十七二等十有六三等三十八四等二百十有一半莊七十一豆糧莊六稻田莊三均不分等次每莊設
莊長一人瓜田菜圃置莊設長亦如之別給耕地以養其家衆 禁苑稻麥田供 上畿餘額省委官
一人董率莊長祇承厥事 凡莊賦共地萬三千二百七十二頃八十畝賦糧九萬三千四百四十石穀
二千二百二十五石芻八萬一千九百四十束各有奇 凡徵糧 盛京一等莊每莊歲納糧三百八十
二石二等三百五十二石三等三百有七石四等百九十二石除給三旗丁糧外以三萬石貯審萬石貯
奉天府倉由 盛京內務府總管徵收關外一等莊歲納糧三百二十二石二等二百九十二石三等二
百六十二石四等百九十二石每糧十石折銀二兩每莊於正數外不論等次各納雜糧二十九石一斗
六升折銀四十一兩有奇由錦州副都統徵收口外每莊歲納糧二百五十石每糧二石折米一石貯熱
河倉每運米十石抵糧一石正數內各納雜糧三十三石折銀四十兩有奇由熱河總管徵收歸化城每

莊歲納糧二百石貯本城旗倉由都統徵收捕牲烏喇每莊歲納糧六百有四十石八斗以二萬石貯倉餘糧平糶由總管徵收駐馬口外每莊歲納米二百石貯本處旗倉由右衛將軍徵收 畿輔一等莊每莊

歲納糧二百五十石二等二百一十石三等一百九十石四等百二十石半莊六十石每糧十石折銀五

兩一二等莊於正數內納雜糧三十三石折銀六十八兩三四等莊納雜糧二十九石折銀六十兩各有

奇豆糧六莊歲納漚二千二百二十五石芻八萬一千九百四十束稻田三莊每畝納米一斗四升至三

斗六升有差旱地每畝納糧四斗五升均由司徵收○芻菽除豆糧莊歲輸所入外除按內外廐園牧草

所需之數分撥於各莊歲於九月望至次年二月杪出場游牧以前計日飼秣近莊以馬就莊遠者運料

供馬均準抵正糧○雜徵○盛京及關外每莊均歲輸鴉一關外並納茜草綠麻及薑蒿黃花蕪諸蔬

畿輔一二等莊歲納豕三三四等莊歲納豕二及麻麥稻秫諸秸並紅花蓼子會子菜子瓢帚飄翎之屬

凡 內廷歲時祭 神暨 奉先殿應用黍稷稻粱之屬均令朝陽門外八莊供奉貯於官三

倉 凡徵輸考成按各莊應納糧數析爲十分欠一分至十分者枷責有差五分以下者於次年并徵六

分以上者革所欠豁免芻菽雜徵同莊長輸將急公闕四五十年無逋欠者給八品頂帶闕二三十年及

經年無欠因年老告退者均給九品頂帶領催於承催之莊三年無欠者亦給九品頂帶逾限不完者與

莊長並論 凡勘災 畿輔各莊偶遇旱潦卽報府由地方官履勘具冊結於總督轉達於府如與原報

相符給口糧議蠲免捏報者莊長治罪 盛京及關外口外各莊同由總管將軍都統副都統達府至於

鹵礮沙瘠不能按則輸將者勘實大莊改半莊半莊交地方官召佃 凡莊長闕各以其親屬承充欠糧

或緣事革退及新設之莊均於本莊及別屬壯丁內選補除緣罪沒入及投充之人選爲莊長外餘陳人

子弟均準應試 凡編審壯丁每三年一次 盛京及關外口外各莊由總管將軍都統副都統畿輔由

府委官各具冊於府由府彙冊奏 聞以周知各莊壯丁之數若莊長自買之人不準入冊其自 國

初投充及無罪撥遣之壯丁內有力能謀生者令莊長報府聽入民籍 凡奏銷 內廷祭 神金

銀牲幣於十二月官三倉黏稻蜜鹽於六月米蠟於八月 畿輔莊糧於十二月各莊芻菹於四月 盛

京及關外口外莊糧於文到一月內各具題均於次年覈銷上年之數 凡 皇子分封各按爵秩給以

莊地人丁公主郡主贈嫁亦如之 凡選官女於內府三旗佐領內管領丁女子年十三以上者遣冊送

府委交宮殿監督領侍等引 見入選者留 宮餘令其父母擇配其留 宮之女至二十五歲遣還

擇配 凡宮中乳母保姥於各佐領內管領下選充仍別雇乳母以哺乳母之子女 凡尙膳尙茶及鷹

鷂鶻狗房執事人各廐圈廐丁均以佐領內管領下應選之人送該管處選用 凡收錄內監由禮部冊

列姓名籍貫移府總管察其來由無異迺委年老內監一人驗實具奏候 旨分撥牛老者聽其回籍

為民 凡支給內監月費執事人匠役餼廩 盛京三旗內管領下人丁口糧守熱河 行宮倉廩兵丁

月餉 盛京捕送鹿兔捕牲烏喇貢珠官役廩給芻秣均行文所司支領辦其多寡增減之數各有差

凡 恩卹三旗佐領內管領下鰥寡孤獨者月給銀米養贍孤子成成人能執役迺止○絕嗣有產業

者為立祭田及守墓奴僕餘給其女暨姊妹有差 凡 宮中祭 禱 內廷供奉均以內管領率所

屬男婦敬謹從事 凡官三倉分貯米鹽蜜臘每倉以內管領副內管領各二人經理出納每年一次或

二次於戶部支領歲終具冊奏銷 凡瓜菜園菜園六十丁瓜園三十丁各給畦地一頃八十畝或以旱

地五畝準畦地一畝畦地園丁各納瓜蔬有差旱地園丁徵銀如果園丁例見掌儀司 凡監造醴醢以內管

領二人未入流庫掌一人庫守四人董其事 凡造辦餅餌設造辦房二所一以內管領分班輪直監視

造辦進 御者一以內管領一人專司造辦供品 凡車輿設庫收貯以內管領四人典守 凡器皿

日用有額以內管領二人典守非常用之器別貯於廣儲司庫歲一檢稽 凡納銀莊順治初年 畿輔

之民攜地來投者各就其地而立之莊計莊百三十有二不立莊者並仍其戶計戶二百八十有五內有棉靛

戶改入 又蜜戶三十有八葦戶七各攜地自三十畝至二十八頃有差其以身來投給官地四十二畝耕

者六

種者曰繩地人計戶二十有九 凡田賦共地五千七百四十八頃三十畝賦銀三萬八千九百二十兩
芻十有二萬一千七百九束各有奇 凡徵收各視其地之多寡肥磽以定則二十八頃之莊一歲徵銀
七百兩二十七頃之莊一徵銀三百兩二十一頃之莊一徵銀四百兩畦地二頃三十八畝之莊一徵銀
二百五十兩十八頃之莊二十有九各徵銀二百兩九頃莊二各徵銀百兩七八頃之莊九十七每畝徵
銀一錢一分有奇不立莊者每畝徵銀三分芻一束東重七斤連戶每束折銀三分蜜戶每六畝徵蜜五斤葦
戶每畝徵銀一分至八分有差內徵蘆葦六千二百五十斤每斤準抵銀三釐五毫有奇繩地人與不立
莊者賦同均照例徵銀交廣儲司貯庫芻交廩館蜂蜜蘆葦交官三倉○雜徵各莊戶歲納柳條纒麻繩
等之屬共折銀千四百八十三兩有奇令催長採買交官三倉 凡徵輸勸懲莊地勘災編審各莊戶壯
丁均如例莊長闕各以其子弟充補奏銷以次年之十二月

欽定大清會典卷八十八

內務府

掌儀司

凡饗

奉先殿之禮

國初

定鼎燕京崇建

太廟以奉

列祖歲時禋饗又於

大內景運門之東建

奉先殿朔望瞻拜時節薦新生忌祭饗出入啟告以展孝思

前殿

後殿均九間中爲穿堂以聯前後緣以周垣

前殿設

列聖

列后龍鳳神寶座蓮豆

案香帛案祝案尊案

後殿同殿具室各設神龕寶牀寶倚樺槌前設供案鐙檠均如事生之儀中

室奉安

太祖高皇帝神位居左

孝慈高皇后神位居右左室奉安

太宗文皇帝神

位居中

孝端文皇后居左

孝莊文皇后神位居右右室奉安

世祖章皇帝神位居

中

孝惠章皇后神位居左

孝康章皇后神位居右左第二室奉安

聖祖仁皇帝神

位居中

孝誠仁皇后神位居左

孝昭仁皇后神位居右

孝懿仁皇后神位居左次

孝恭仁皇后神位居右次右第二室奉安

世宗憲皇帝神位居左

孝敬憲皇后神位居右

左第三室奉安

孝賢皇后神位均南嚮

凡朔望

皇太后聖壽

萬壽聖節元正冬至

及國有大慶均恭奉

列聖

列后神牌於

前殿祭饗禮成還御

後殿寢室

前殿正中設

太祖高皇帝位於左

孝慈高皇后位於右左間設

太宗文皇帝位於

右次

孝端文皇后位次

孝莊文皇后位右間設

世祖章皇帝位於左次

孝

惠章皇后位次

孝康章皇后位左第二間設

聖祖仁皇帝位於右次

孝誠仁皇后

位次 孝昭仁皇后位次 孝懿仁皇后位次 孝恭仁皇后位右第二間設 世

宗憲皇帝位於左次 孝敬憲皇后位均南嚮 帝后同案左第三間設 孝賢皇后位西

嚮皆簋二簋二籩十有二豆十有二饗一鑪一鐙二各登一銅一奉先制帛一孝賢皇尊一金爵三

金七一金箸二帛共饗尊寶酒疏布器勺具具登銅簋簠豆尊饗陳設一如 太廟之制惟不設

牲俎不行飲福受胙禮王公百官不陪祀祭前一日本司官率所屬進祝版於 神庫祝案迺省盥展器

割牲瘞毛血樂部及本司內監設中和韶樂於階上分左右懸祭日讀祝官詣 神庫祝案前行一跪三

叩禮恭奉祝版贊禮郎二人前引由 奉先門中門入進 殿中門跪設於西旁祝案三叩退內

府奉請 神牌各官進至 後殿內各就 寢室前上香一跪三叩恭奉 神牌依

次行至 前殿各依次奉安於 寶座一跪三叩退司拜褥官設 御拜褥於 殿門

內正中及各香案前掌儀司官詣 乾清門奏請 皇帝御袞服乘金輿出宮由 景運門至 誠肅

門降輿前引大臣十人次贊引太常卿二人 恭導 皇帝入 奉先門左門大臣二人後扈及豹

尾班侍從如儀內監跪進盥盤帨巾於階下 皇帝盥洗由左階陞進至 殿內拜位前北嚮立

豹尾班侍衛至階下左右前引導十大臣至 殿階上兩旁均止立東西面後扈二大臣隨入於

皇帝後兩旁僉立典儀官贊樂舞生登歌執事官各共迺職引舞官二人執旌節引武舞八佾進贊引官奏就位 皇帝就拜位立典儀官贊迎 神司香官各奉香盤進贊樂官唱舉迎 神樂奏

貽平之章司香官進至各香案旁立贊引官奏就上香位恭導 皇帝詣 太祖高皇帝香案前

司香官跪進香贊引官奏跪 皇帝跪奏上香 皇帝上桂香次三上瓣香興以次詣 列聖

香案前上香儀同贊引官奏復位各香案司拜褥官起拜褥 皇帝復位奏跪拜興 皇帝行三跪

九拜禮 孝賢皇后位司香官奉香盤進贊引官恭導 皇帝詣 孝賢皇后香案前司香官跪

進香 皇帝立上桂香次三上瓣香恭導 皇帝復位樂止典儀官贊奠帛爵行初獻禮司帛侍衛

奉篚司爵侍衛奉爵以次進北面立贊樂官唱舉初獻樂奏救平之章樂作舞干戚之舞司帛詣

列聖 列后神位前跪奠帛篚於案三叩司爵詣案前立獻爵奠於爵墊正中皆退司祝至祝案前

跪三叩奉祝版跪案左樂暫止贊引官奏跪 皇帝跪贊引官贊讀祝司祝讀祝畢 祝版內不書 孝賢皇后諡號 奉

祝版詣 太祖神位前跪安於帛篚三叩退贊引官奏拜興樂作 皇帝行三拜禮興樂止引武

功之舞退引舞官二人執旌節引文舞八佾進典儀官贊行亞獻禮司爵奉爵以次進贊樂官唱舉亞獻

樂奏敷平之章舞羽籥之舞司爵獻爵奠於爵墊左儀如初獻樂止典儀官贊行終獻禮司爵如前進贊

樂官唱畢終獻樂奏紹平之章舞同亞獻司爵獻爵奠於爵塾右儀如亞獻樂止引文德之舞退典儀官贊撤

饌贊樂官唱舉撤饌樂奏光平之章樂止贊禮郎一人趨至中間左旁北面跪奏禮成請 還宮三

叩退贊樂官唱舉 還宮樂奏又平之章贊引官奏跪拜興 皇帝行三跪九拜禮樂止典儀官

贊奉祝帛恭送燎所司祝司帛各詣 神位前跪三叩奉祝奉帛司香跪奉香興恭送燎所贊引官

恭導 皇帝轉立拜位東旁西嚮司拜褥官起拜褥候祝帛過仍設贊引官恭導 皇帝復位祝帛

燎半奏禮成恭導 皇帝由 殿左門 奉先門左門出內府官各詣 神位前行禮恭

奉 神牌還御 後殿寢室 皇帝至誠肅門外陞金輿還宮○遣官行禮奠獻均如前儀

贊禮讀祝用內府贊禮郎遣 皇子行禮具補服至 誠肅門本司官贊禮郎二人前導 皇子由

奉先門右門入升西階至正中行禮上香由 殿右門出入祝帛送燎時避立西旁禮成仍由西階

降由原進門出遣王公內大臣行禮同 凡恭上 徽號 冊立 冊封 御經筵 耕

藉 謁 陵巡狩 回鑾及諸慶典均祇告於 後殿前一日日本司官一人視刲牲瘞毛

血祭日陳香鐙 神位前各設爵三每案籩六豆二讀祝官詣 神庫祝案前一跪三叩恭奉祝版

贊禮郎二人前引入 後殿中門跪設於西旁祝案三叩退內監啟 神龕司拜褥官設

御拜褥於 後殿門內正中至時掌儀司官詣 乾清門奏請 皇帝御衰服乘金輿出宮由

景運門至 誠肅門降輿內大臣侍衛前引後扈如儀贊引太常卿二人恭導 皇帝入 奉先門

左門由 殿東夾道門入至 後殿左階下豹尾班止於門外內監跪進盥盤祝巾 皇帝

盥洗由左階陞入 後殿左門至拜位前北嚮立後扈二大臣隨進在後僉立前引十大臣至穿堂

內兩旁東西面立典儀官贊執事官各共迺職贊引官奏就位 皇帝就拜位立司香官各舉香合進

贊引官恭導 皇帝詣 太祖寢室香案前立贊引官奏跪 皇帝跪奏上香 皇帝接香

合拱舉仍授司香官與三上香贊引官恭導 皇帝依次詣左右 寢室前上香畢贊引官奏復

位恭導 皇帝復位奏跪拜興 皇帝行三跪九拜禮興恭導 皇帝至 孝賢皇后寢室前

立上香畢復位典儀官贊奠帛爵行初獻禮司帛爵侍衛各率篚奉爵進至 神位前司帛跪奠帛

於案三叩司爵立獻爵奠於爵墊正中皆退司祝進至祝案前跪三叩奉祝版跪案左贊引官奏跪

皇帝跪贊讀祝司祝讀祝畢奉祝版詣 太祖寢室前跪安於帛篚三叩退贊引官奏拜興

皇帝行三拜禮興典儀官贊行亞獻禮司爵獻爵奠於爵墊左儀同初獻典儀官贊行終獻禮司爵獻爵

奠於爵墊右儀同亞獻贊引官奏跪拜興 皇帝行三跪九拜禮興典儀官贊奉祝帛恭送燎所司祝

司帛各詣 神位前一跪三叩奉祝帛恭送燎所贊引官恭導 皇帝轉立拜位東旁西嚮司拜

褥官起拜褥候祝帛過仍設贊引官恭導 皇帝復位奏禮成恭導 皇帝由 後殿左門東

夾道 奉先門左門出至 誠肅門外陞金輿還宮○遣官行禮 皇子具補服至 誠肅門本司官

贊禮郎導引由 奉先門右門入由 殿西升穿堂右階至穿堂正中行禮上香由 後殿右

門出入祝帛送燎時避立西旁禮成仍由右門出道王公內大臣行禮同 凡恭過 列聖聖誕

列聖 列后忌辰及元宵清明霜降歲除等日於 後殿行禮 神位前各陳香鐙設酒

脯果實畢內監啟 神龕掌儀司官詣 乾清門奏請內務府總管同內府贊禮郎恭導 皇帝

入 後殿詣各 寢室上香所司設 御拜褥於 殿內正中 皇帝就位行禮一

如祇告儀均不奏贊忌辰御素服節令御衰服○遣官行禮與祇告同 凡立春端陽重陽等節及四月八月

於 後殿陳香鐙每 神位前設酒脯果實四月八日畢內監啟 神龕本司官一人具

補服上香行禮○ 壽皇殿尊奉 聖祖仁皇帝 世宗憲皇帝 御容凡遇

聖誕忌辰及元正令節 皇帝躬率諸 皇子及近支王等展謁行禮其歲時奠獻一如生儀 凡

祀 堂子之禮建 堂子於 長安左門外街門北嚮內門西嚮延祭 神殿於正中南